

Моҳира СОТИМОВА

**Р А Й Х О Н
ИФОРИ**



**«Наманган» нашриёти
2006**

84(55)6-5 Ўзб. бад. 2328.
— Шеърлар

1032194
0

20 06	Alisher Navoiy
№652	nomi O'zbekiston M

10

III 530 - 114961.04 - 1299150
531 - 1.0 - (04) - 06 2006

«Наманган» нашриёти. М. Сотимова

ОНА МУҲАББАТИ

*Ҳаяжонми, орзумикин ёки сабр,
Юрагимни қийнаётган базўр оташ.
Куртагини очмоқдами, тасад, кибр,
Тушунолмай, англаёлмай юрагим аш.*

*Бағрим тўлиб - тошиб кетар, ҳис-ҳаяжон,
Ўйларимга ета олмай жим қоламан.
Муҳаббатми, юрак урар бесарамжон
Мен онамнинг муҳаббатин тан оламан.*

*Мен ўйлайман, ҳар дақиқа кўзни юмиб,
Тўқинликни, тўқчиликни ким истамас?!
Мен айтаман ёлгонларни четга суриб
Онамдайин мени ҳеч ким чин севолмас.*

ИШҚ ДУНЁСИ

*Ишқ ёмондир: -пинҳон дилни ошкора деб этар
Ишқ тўфондир: -бир юракни минг пора этар
Бир дунёки, кирмоқ бору чиқмоқ азоб,
Вафодорлик истамасанг этар хароб.
Бир дунёки, икки кўча ажраладур,
Бири вафо, бири жафо деб аталур.
Вафо сени жаннатларда жайрон қилар,
Жафо қилсанг, умринг бўйи сарсон қилар,
Қайтмоқ эрсанг ўйлинг тўла оғрик, қийноқ.
Бу дунёнинг дарвозаси анча йироқ
Ишқ дунёси роҳат дебон таёл сурма,
Ишқ устабон эшигига бора кўрма.*

БИЗ ЎЗБЕК ФАРЗАНДЛАРИ

*Кел, дўстим, қўлингни қўлимга тутгин,
Юлдузимиз ҳали порлоқ бўлажак.
Илмни эгаллаб ғамни унутгин,
Бизни кутмоқдадур буюк келажак.
Биз буюк бўламиз, орзулар қилиб,
Ойга ҳам қурамыз билим қасрини*

Ватанни севамиз муқаддас билиб,
Тарихга ёзамиз ўзбек асрини!
Шундай ёзайликки лол бўлсин жаҳон,
Хар битта сўзида яшасин ўзбек!
Бизники хуррият, бизники замон,
Дунё тилларидан тушмасин ўзбек.
Сен ҳам ошно бўлгин, четда турмагин,
Буюк келажакка ўз ҳиссангни қўш.
Қалбинг тоза айла, нопок бўлмагин,
Шунда йўламайди бизларга уруш.
Буюклар йўлини босиб изма-из,
Дунёни кезайлик илм отида.
Аҳдимиз пойдор бўлсак, ҳаммамиз,
Номимиз қолади тарих ёдида.

ВАТАН

Эрта тонгда беданалар уйғотади,
Келинлари тургандан сўнг тонг отади.
Юртимизнинг кўчалари кенг-ки бирам,
Худди мўъжаз юрагида ой ётади.
Ҳавосининг ўзи дардга дармон бўлур,
Меҳмон бўлинг, келмасангиз армон бўлур.
Куйлайвериб шухратини чарчамайман,
Ёзсам агар унутилмас дoston бўлур.
Тупроғига бошинг қўйиб, болиш дейсан,
Жилдираган ариқларин хониш дейсан,
Санъаткори дутор чалиб қўшиқ айтса,
Раққосасин бамисоли оққуш дейсан.
Ёмон бўлсанг бу ерларга ярашмайсан
Яхши эрсанг ўзга юртга алишмайсан.
Боглари бор, богларида мева бисёр,
Ватанимни жаннат десанг янглишмайсан.

БОБУР БОБОМ

Ҳиндистонда менинг бобом изи қолган,
Ҳумоюнни лол айловчи сўзи қолган.
Бу дунёда рўзи бирла ўзи қолган,
Дунё тургунча тургайсиз, Бобур бобо!
Ватан ёди қалбингизда армон бўлди
Ҳинд ҳавоси жонингизга дармон бўлди!
Ўв барибир, шухратингиз осмон бўлди,
Дунё тургунча тургайсиз, Бобур бобо!
Кўзларимда соғинч ёши мил-мил тўлар,
Баргга тушса чидаёлмай-ниҳол сўлар.
Осмон узра Аграда эҳ, юлдуз сўнар,
Дунё тургунча тургайсиз, Бобур бобо!

БЎЛГАЙ

Бир қарошинг минг дордимга шифо бўлгай
Кетар бўлсанг, юз жонимга жафо бўлгай
Эй кўзлари жайрондайин нозик гулим,
Ёлаиз этма, тақдир айри дарё бўлгай.

Соғинчларда соҳир кўзим адо бўлгай,
Ошиқ жоним ишқ йўлида фидо бўлгай.
Кетдим, дея қўлни силтаб кетар бўлсанг
«Қайтгин» дея суйганларим садо бўлгай.

Деразамдан бир боқмайин ўтсанг ёрим,
Оташингда ёниб сабрим адо бўлгай.
Кўзларингни кўриш учун очиқ кўзим,
Бу дунёда фақат сенга ато бўлгай.

ШЕЪРИМ

Елгон деманг туйгуларимни
Йўқотганман уйкуларимни
Бахш этганман сенга боримни
Фақат ўзинг дўстимсан, шеърим!

Мен яшайман юракларингда,
Куч бўламан билакларингда.
Рўёб бўлай тилакларингда
Дунё ичра боримсан, шеърим!

Қўлларимдан сени қўймайман,
Сени ўқиб қувноқ ўйнайман.
Сен бор учун эрта сўнмайман
Қалбимдаги бир дардим, шеърим!

ҲАЗИЛ ВА ЧИН

Ҳазилнинг ўз ўрни бор
Унга ҳам вақт келади.
Айтганинг чин деб билса
Қалб кўзгуси синади.

Сўнг унга боқолмайсан,
Чорасин ҳеч излама.
Ҳаётда бир шиор бор
Ўйламасдан сўзлама.



БАХТ

*Азизим, тик боқгил гўзал ҳаётга
Дунёда кулганга омад ёрмикин?!
Ўзимни ташлайми сувга ё ўтга
Бахтиёрлар айтинг, бахтим бормикин?!*

*Пешона кенг бўлса давлат келармиш,
Балки бу пешонам жуда тормикин.
Омадинг келмаса ҳар не бўлармиш
Бахтиёрлар айтинг, бахтим бормикин?!*

*Майсалар ёмаири кутгани каби
Кўзларим кулгуга шунча зормикин?
Ҳар кун тонгларим отгани каби
Бахтиёрлар айтинг, бахтим бормикин?!*

БАХТЛИМИСАН

*Бемор кўнгил, бегубор кўнгил
Яна қанча қийноқларинг бор
Алдовларга кенг макон кўнгил
Мендан кетиб бахтлимисан, ёр?*

*Мен-ку куйиб кулга айландим
Қўшиқ бўлиб сенда қўйландим
Яна бузун сени ўйладим
Мендан кетиб бахтлимисан, ёр?*

*Тақдиримга тан бераман мен
Ёлғонингдан оҳ, ураман мен
Бахтлиман де, суюнаман мен*

*Мендан кетиб бахтлимисан, ёр?
Рашк туфайли мени қийноғим,
Сўйганимми ёлғиз гуноҳим.
Сендан фақат шудир сўроғим
Мендан кетиб бахтлимисан, ёр?*

МЕНГА ҲАМ ҚУЁШ КУЛАДИ

*Омадингиз келса қўлни беш қилманг,
Битта сўз билан кўзни ёш қилманг,
Омадсизлигимни менга пеш қилманг,
Менга ҳам бир куни омад кулади.
Баъзида бу йўлда тойиб кетаман,
Битта омад билан бойиб кетаман,
Жонимдан гоҳи тўйиб кетаман,
Менга ҳам бир куни омад кулади.
Ҳар қайси пайтда соғлом бўлсангиз,
Ҳар кунги тонгларга салом берсангиз,
Онажон, сиз мени дуо қилсангиз,
Менга ҳам бир куни омад кулади.*

СЕНИ ЭСЛАБ

*Юрагимни ўзинг билан олиб кетдинг,
Бугун эса юраккинам тўйғуға зор.
Гул боғимда бойчечаклар униб чиқди,
Баргларида худди сенинг чиройинг бор.
Қара, бугун атир гулинг гунча бўлди,
Худди сени кўзларингдай соф, безубор.*

*Қушлар учиб келганига анча бўлди,
Чуғурида худди сенинг сўзларинг бор
Мана, қара райҳонларинг гуллади хўп,
Хушбўй атри сенинг каби нафис, беор.*

*Ҳар шохда кипригингдай, уруғи кўп,
Баргларида худди сенинг нозларинг бор.
Сен севардинг қишнинг оппоқ тунларини
У ҳам кетиб ўлкамизга келди баҳор.
Босиб олдим сени эслаб соғинчимни
Кутгин мени ёнгинанга боришим бор.*

БАХТ ЁР БЎЛСИН

*Тош тепганга тор дунё,
Яхшиларга ёр дунё,
Ҳар кишининг қалбида
Бир севгиси бор дунё-
Сочи узун қизларни,
Дили мамнун бўлармиш,
Қалби гўзал қизларнинг
Кўзи маҳзун бўлармиш.
Ҳаётга тўйдим дема,
Ёримдан кўйдим дема,
Шунинг учун дунёда
Ҳар кимни сўйдим дема.
Кўнглинг бегубор бўлсин,
Қўлларинг дутор бўлсин,
Ҳай ўзбегим қизлари
Сизларга бахт ёр бўлсин.*

ЯХШИ ДЕМА ЁМОНИ БОР

*Атиргулни чиройли дема,
Ўтқир-ўтқир тиконлари бор.
Сен ёрингни гўзалсиз дема,
Сен билмаган ҳийлалари бор.*

*Дуч келганга меҳрибон бўлиб,
Боқаверма гумонлари бор.
Ҳар янтоққа соябон бўлиб,
Суянмагин тиконлари бор.*

*Соддагина беозор қалбинг,
Ҳар кимсани сўявермасин.
Қийнамагин ўзингни ўзинг,
Ҳар бирини маккорлари бор.*

*Яшаш керак, курашиш керак,
Ҳар нарсадан қилаверма ор.
Ҳар кимсани ўрни бир бўлак,
Инсоннинг ҳам инсонлари бор.*



АЙРИЛИҚ

*Мен ёниб чўғларга айланиб қолдим,
Чўғдай тупроқларни қучиб боряпман,
Ойдин хаёлларга боғланиб қолдим,
Уларга қўшилиб учиб боряпман.
Юрагим ханжари ўзимга ботди,
Ботди-ю юрагим урмади бир бор.
Жисмимдан қувончининг қушлари кетди,
Кетгани қайтиб келмади бир бор.*

ҚИШЛОҚ ҲАЁТИ

*Чигиртка чириллар ҳовуз четида,
Гўёки, кимнидир нола, фарёди.
Қурбака сайрайди сувнинг бетида,
Ахир, бу осуда қишлоқ ҳаёти.*

*Сойларда оқади сувлари тошиб,
Далада падалар ўтлаб юради.
Одамлар далага кетар шошилиб,
Олдинда уларни ҳосил қутади.*

*Тулпорлар кишнайди кўкка сапчилиб,
Хўрозлар қичқирар эрта саҳарда.
Она ер бағрида майса кўриниб,
Ишлар кўзгалади эрта баҳорда.*

*Қаранг, бошоқлабди серҳосил буғдой,
Меҳнатқаш деҳқоннинг бисотидир шу.
Қуёш ботади-ю чиқар аста ой,
Осуда қишлоқнинг ҳаётидир шу.*

ЎЗБЕК ЙИГИТЛАРИ

*Жуда кенг қанот қоқар,
Хув, тоғнинг бургутлари.
Мардларча кўзга боқар,
Ўзбегим йигитлари.*

*Тоғларни талқон қилар,
Ҳар ишга қалқон бўлар.
Яхшилиқнинг йўлида
Бир тану бир жон бўлар.*

*Куч бағишлар ториға,
Гард юқтирмас ориға.
Ўзбекнинг йигитлари
Ишонади ёриға.*

СУЙГАНИНИ АЙТМАЙДИ

*Қўлларим осмонга етмайди,
Карвонлар кетганча қайтмайди.
Кўчамизда соддагина қизча бор
Суйганин сўрасак айтмайди.
Ҳар куни қўлида сўлпурғи,
Кўчада бесабаб юрмайди.
Атайин кулгили гап айтсак,
Бир бора жилмайиб қўймайди.
Сочига кўзмончоқ тақади
Кўзлари кўпларга ёқади.
Берилиб юзига боқсангиз,
Хаёллар сойида оқади.
Катталар олдидан ўтганда
Ҳеч қачон саломисиз кетмайди.
Кўчамизда соддагина қизча бор
Суйганин сўрасак айтмайди.*

БУ ДУНЁДА СЕН ЙЎҚСАН

(чин ёр наляси)

Бозларда баҳорнинг шаббодаси бор,
Ўрик гулларининг соф нафаси бор.
Ҳамон бахтимизни алангаси бор,
Лекин бу дунёда сен йўқсан, гўзал.
Ўрик гулларидай учиб кетдингми?
Иссиқ тупроқларни қучиб кетдингми?
Ширин бахтимиздан кечиб кетдингми?
Ёруғ дунёларда сен йўқсан, гўзал.
Кеча дўстлар билан тўлди қошоном
Акам, опа-синглим, меҳрибон онам.
Бир инсон етишмас ҳатто ўша дам
Шундай кунларимда сен йўқсан, гўзал.
Менинг юрагимда қалбнинг бор энди,
Ҳаётим тинчида қадринг бор энди
Кўзимнинг остида қабринг бор энди
Лекин бу дунёда сен йўқсан, гўзал.

ВИЖДОНИ ПОК ОТАЛАР

Бизга айтмай кўнгил сирини,
Аста берар кўзи нурини,
Яшар асраб ор, гурурини,
Виждони пок азиз оталар.
Биздан умид қилиб яшайди,
Бисмиллоҳ деб ишин бошлайди,
Аслида пайгамбарга ўхшайди,
Нияти пок азиз оталар.
Фарзандига бахш этар иймон,
Улар эрур ҳаётга посбон,
Доим бўлмиш бахтиёр омон,
Бахтимизга азиз оталар.

СОДДА ЎСГАНМАН

*Фақат шеърга эмас пинҳон юрагим
Шоира бўлишмас орзу тилагим.
Тўғрида, кимларга бўлмас керагим,
Гўзал қишлоқларда ўсганман фақат.
Бошгинамда оддий рўмолгинам бор,
Кўзларимда жиддий ҳуморгинам бор.
Момомдан қолган туморгинам бор,
Гўзал қишлоқларда ўсганман фақат.
Икки ёни ариқ оддий кўчадан
Кўп баҳра оламан бир туп арчадан
Ёлғиз шеърим қолар буғун, нечадан,
Гўзал қишлоқларда ўсганман фақат.*

МУРУВВАТЛИ БЎЛИБ ЯШАЙЛИК

*Бирга яшаймиз шу замонларда
Ҳар инсондан бўлсин яхши фазилат
Ўтаётган лаҳза ҳар бир онларда
Жаранглаб бонг урсин меҳр-муравват
Ширин сўзлар айтиб қалби синиққа,
Келажакка шаҳдам қадам ташлайлик.
Инсонмиз, ҳаттоки, бутун борлиққа,
Меҳр-мурувватли бўлиб яшайлик.*



МУНДАРИЖА

Она муҳаббати.....	3
Ишқ дунёси	3
Биз ўзбек фарзандлари	3
Ватан	4
Бобур бобом.....	5
Бўлгай	5
Шеърим	6
Ҳазил ва чин	6
Бахт	7
Бахтлимисан	7
Менга ҳам қуёш кулади.....	8
Сени эслаб	8
Бахт ёр бўлсин	9
Яхши дема ёмони бор	10
Айрилиқ	11
Қишлоқ ҳаёти	11
Ўзбек йигитлари	12
Суйганини айтмайди	12
Бу дунёда сен йўқсан	13
Виждони пок оталар	13
Содда ўсганман	14
Муруватли бўлиб яшайлик	14

Моҳира Сотимова

РАЙҲОН ИФОРИ

Муҳаррир:

М. АКМАЛ

Техмуҳаррир:

Ғ. МУЛЛАБОЕВ

Мусаҳҳиҳ:

С. ЯҲЁЕВ

Компютерда саҳифаловчи: И. ТОШХОЖАЕВ

Теришга 3.04.2006 йилда берилди. Босишга 18.04.2006 йилда рухсат этилди. Газета қоғозига офсет усулида чоп этилди. Бичими 60x84 1/16. Ҳажми 1,0 босма табоқ. Адади 500 нусха. Буюртма № 306. Баҳоси келишилган нархда.

«Наманган» нашриёти, Наманган шаҳри, А. Навоий кўчаси, 36-уй, 3-қават.

«Чуст босмахонаси» МЧЖ, Чуст шаҳри, Сўфизода кўчаси, 8-уй.